

聞

朝廷褒其功賜其子善真冠帶

建寧府志卷之二十九

建寧府志卷之三十

人物

風節

宋

葉默字彥思建安人元豐中進士徽宗朝為宗
正丞累官至朝議大夫知泗州詔改宣梵院
為神霄宮默奏疏極論漢唐之主崇信方士
廣建真館使民力困於興作財用廢於土木
非所謂我無為而民自化我好靜而民自正
明道闡教為生民福也疏入謫郴州後復官

自便卒贈通議大夫

黃齊字思賢建安人祖展舉進士有聞於慶曆
皇祐間仕至都官郎中父儼亦中第終於縣
令齊登崇寧中進士歷官大理寺丞遷監察
御史起居舍人擢中書舍人遷兵部侍郎自
入太學陞舍選已有文藝名後歷官臺省每
進對徽宗屢稱堯之其遷西掖有詞云行藝
之優屢先多士文華之妙傳播一時平生不
干人以私二蔡柄用非時不見於私第士服
其守後以顯謨閣待制通州建炎間卒

練幹譽字克家建安人登崇寧三年進士調郡

武尉再任福州戶曹尚書黃裳帥福事無鉅

細咸委之薦知考城縣時督辦軍賦甚急幹

譽堅以民力匱竭為請巨璫有以私囑之者

卒寘于法除知濠州西祠歸靖康初嚴陵有

警經制使翁彥國檄幹譽收捕幹譽躬率將

士備禦城賴以全詔增一秩賊平以疾卒邦

人德之為建祠焉幹譽與王黼有庠序之舊

及黼當國不一造其第子棻補通直郎以廉

著稱

朱懷英字晉老建安人建炎初詔求文武材畧
出倫之士有司以懷英應聘隨幸維揚坐後
至罷歸既又上書其辭云懷王以方五千里
楚地帶甲百萬不能報父兄之辱臣常憤此
願為朝廷銜命折虜責之以義而大兵繼進
臣雖不免酈生之烹亦足仰成陛下孝弟之
志雖死猶生也時方議和不果用呂頤浩贈
以詩曰建安之山高倚天建溪之水直如絃
建安人材更豪氣名與山水爭流傳往年國
步偶欵側上書欲得君王識更欲攜書見虜
人但知議論忘誅斥滔滔天下皆如此無人
解作朱君語有語不用君何傷留與人間作
遺史其家迄今藏頤浩親札云

吳申字景山甌寧人皇祐元年進士為南京國
子監教授召為國子監說書英宗初為睦親
宅都講初宗室坐序以爵自為賓主講官位
席設於東隅申不肯坐曰宗室當以親族尊
卑為序與講官分賓主大宗正不能決出申
疏以奏上是之講官正席自申始神宗擢為
侍御史時王陶以論宰相不押常朝班出知

陳州中言風憲任重宜留陶以勵其節又言
內外官宜久任又乞令內侍省保認內臣有
無過犯然後驅使不得指名抽取或在外作
過委開封府皇城司覺察於是闍寺謹畏宮
闈肅清尋知諫院司馬光呂惠卿在講筵議
坐倉糴米事申曰光言至論也後罷諫職出
知舒州卒詔賜其家絹二百疋

黃覲字東暉甌寧人登紹聖元年進士知曹州
之屬縣童貫宣撫陝西道出曹州聲勢烜赫
郡縣吏望風羅拜覲獨秉笏挺立貫密遣人
詢不拜者姓名覲遂棄官去

陳元裕字德寬甌寧人博通經史為文雄贍以
優貢入辟雍建炎間擅能賦名遂冠鄉舉紹
興十二年登進士第時相主和議元裕對策
力詆之試教官入等分教四明守湯鵬舉入
為御史首薦之召除將作監簿病歸卒官至
奉議郎

黃森字水心甌寧人父駟嘗為吏部員外郎森
通諸經子史百家皆精詣景定間預鄉薦宋
亡不仕隱居天湖山築室數椽周遭植栢每

愧不能如夷齊之餓死所著有正一齋集

張泌字順之一字巨源浦城人彛憲子登大中
祥符八年進士乙科除定陶主簿徐州觀察
推官擢寶應令慶曆中以章得象薦召試館
閣累遷秘書丞獻經國遠猷十篇仁宗嘉納
除右正言知諫院奏乞減後宮浮費抑權倖
請託皇祐中改殿中侍御史遷禮部侍郎給
事中進刑部尚書卒仁宗悼之謂近臣曰朕
將大用不謂遽亡贈開府儀同三司泌為御
史挺挺敢言元昊叛命延安被圍知延州郭
勸坐視不以為意藉中宮勢止罷見任泌連
抗五章極疏其罪謂當斬首以徇勸竟坐貶
黜人咸壯之

張沔字朝宗浦城人大中祥符元年進士除蕭
山尉授青州千乘令薦授大理寺丞遷寺正
陞侍御史以排擊奸佞出知信州端亮有操
無愧清議

楊訓字公發浦城人登元豐五年進士初調符
離尉改江寧府司理參軍府尹王安禮一見
待以國士移密縣令辟川陝都茶司幹官禮

部侍郎周常帥越辟為山陰令薦知東陽縣
轉朝奉郎初訓與蔡京同受業王安石之門
及京當國太宰余深備道京願見之意訓辭
曰辛勤力學麤立門戶今老矣榮除非所望
他日躡足豈能僕僕與諸公為嶺嶠之遊邪
故終老常調卒年八十三訓問學精博嘗著
禮記解二十卷文集十卷子公度

楊公慶字元宏登重和元年進士歷官福州觀
察推官薦除福建常平主管精勤勾考出失
簡錢八十餘萬緡會歲歉八州艱糴公度出

入阡陌勸富民散糴民賴以不饑丞相趙鼎
出鎮溫陵一見待以國士遂薦于朝轉奉議
郎時同年侍郎秦梓累稱公度學問於其兄
檜或勸公度往見之公度誦其父訓不見蔡
京之言以謝之轉承議郎通判潭州攝府事
軍兵更戍有以浮言動衆者公度立召主將
誅首惡數人衆始懾服太尉馬公承宣使劉
錫聞而嘆曰權府文臣而指揮彌令摧折奸
謀殆若生長行伍者真可服哉年六十六卒
于官自號玉峯居士一作士所著有玉峯集一

十卷

李宋字亮卿浦城人登元祐六年進士兩任教
官高宗南渡用近臣薦賜對進劄首尾以自
治為急即日除御史臺主簿遷監察御史特
立敢言權倖側日出為廣南西路提點刑獄
奉祠歸

祖秀實字去華浦城人宣和二年以釋褐狀元
授國子博士靖康之難京城失守虜酋索米
於學秀實叱之酋擊以劍絕而復甦高宗聞
其名拜左司郎中遷中書舍人亟贊張浚為

恢復計時議主和遂乞補外除直龍圖閣福
建路轉運使事之害民者一切革去未幾移
廣東提刑丁母憂居喪不茹葷不入寢室哀
毀骨立張浚判福州賻白金百兩秀實泣辭
之服除知衢州尋以禮部侍郎召力辭而歸
卒年七十官至朝請大夫

張巨字國材浦城人登元豐五年進士知諸暨
縣徙知襄邑以治最加秩一等用薦召對
稱旨擢祕書省正字出為京西轉運判官徽
宗聞其名召對臣首論紹述事拜職方員外

郎改殿中侍御史彈劾不避權貴燕雲之後
臣以蔡攸童貫異日必起邊釁遺宗社憂將
劾之章成以語中丞石愈愈以告攸翌日亦
肯不許上殿出知秦州改吉水移湖南轉運
副使召為司勳郎中出為利州路計度轉運
使秦脩閣道及築興州大提民以為便未幾
謫居池陽欽宗受禪復朝散大夫奉祠卒

章綽浦城人縈之子登進士第累官陝西轉運
判官入為戶部員外郎中書侍郎劉逵漸復
元祐之政綽力贊之蔡京欲擠逵且忌綽不

附已出知湖州未幾復竄温州張商英入相
綽復朝奉郎通判秀州累遷龍圖閣直學士
知越州譚慎宣撫燕山辟為參謀官加右文
殿脩撰金人破蔚州連坐落職會赦復龍圖
閣直學士致仕卒

徐驤字士龍浦城人刻意問學居太學日二帝
北狩驤上書行在所朝奏暮召以有沮遂寢
不用然其言後皆驗太學初興就試者幾萬
人學官以天地明察為論題驤冠多士丞相
秦檜邀驤與其子弟遊驤辭不就後累以薦

補官久之請祠復授吏部架閣卒年六十
歐陽凱士字彥成建陽人少力學為文敏捷建
炎間應舉不第適兵興多事上書論當世得
失時相以為狂躁坐譴久之得還徜徉玩世
預知將死之期有無傍集一編

陳郭字彥聖建陽人登嘉祐間進士調廬州司
法叅軍再授歙州推官徙知崑山縣值歲饑
屬邑希部使者旨不敢蠲賦郭曰歲饑而賦
不蠲何以字民卒蠲之後為司農丞未嘗謁
政府遷太府請外除福建轉運使元符中以
元祐黨廢後復官朝奉大夫卒郭性剛亮
官五十年帑無贏貲退無居廬舊吏以郭貧
餽金數百兩竟不受

宋秉孫字彝父建陽人篤志勵行博學能文登
淳祐四年進士累官朝奉大夫尚書省主管
架閣文字入元掃迹不仕終于家

吳巖夫字民瞻松溪人執中子政和中以陰補
太廟齋郎累遷考功員外郎召對論郡縣賦
歛煩急百姓愁苦上竦然異之顧謂左右曰
誠吳凱中子也請外補知洋濠二州欽宗內

禪召還選左司郎中嘗語宰相曰時方艱危
願拔寒畯以求實才毋專用虛名竊位苟祿
而已丞相不悅嶮夫曰某與公為道義交故
敢獻直言不然自此辭矣光堯即位徙光祿
卿以虜騎未退率同列上章願消辰順動以
副四海望幸之心章再入有旨幸維揚後以
言事不合選秘閣脩撰知福州改南劍州乞
祠居建安卒

詹公薦字文舉崇安人政和二年上舍出身靖
康末張邦昌僭立欲官之公薦逃匿間道至

行在奏陳虜事甚詳上喜曰卿忠臣也擢太

常寺丞遷祠部郎中請補外除廣東提刑卒

翁甫字景山崇安人易子也登寶慶二年進士

既仕尤勵志讀書肆力為文不倦薦知西安

縣政最上聞召監登聞檢院陞對上喜甚除

資善堂直講舊有與提點中官對拜之禮甫

抗論其非上嘉從之兼太常博士參政別之

傑充明禋禮儀使跛倚失儀甫論罷之遷秘

書丞兼禮部郎中以陳垓論罷出知汀州累

官太府少卿兼知臨安府凡節序供奉內廷

儀物悉奏免之未幾燕太常少卿直舍人院
國史院編脩實錄院檢討時有集慶太乙之
後甫極論其害又言皇嗣入宮而左右有以
果實器玩戲者乞加禁絕皆不報出為江西
轉運使兼守豫章改知泉州未赴一日聞有
太學生言事被謫者憂憤流涕因動痼疾而
卒所著有蜀漢書浩堂類稿行于世又有英
雄錄外制集奏稿讀書壁記西安南昌判筆
藏于家

何昌世字正卿崇安人登宣和三年進士高宗

南渡任台州司理參軍時虜勢猖獗官吏望
風而遁昌世獨守轍迎駕入城上問曰卿見
為何官對曰台州司理上慰勞再三剪御衣
尺許書云朕南渡以來事力未辦獨汝能盡
忠為國可仇以為照紹興中特改宣教郎除
大理寺丞遷司農少卿而卒

翁采字景文崇安人大觀三年入太學屢上書
言時事後改重和元年進士調歸州教授上
書言花石綱擾民除潭州右刑曹尋召試刑
法未赴卒于官

翁蒙之字子功崇安人孝深孫以蔭補官調常
山尉紹興中趙鼎謫死樞過常山郡守章傑
者惇諸孫此鼎嘗治惇罪又希秦檜吉陽徽
蒙之護其亡忽遺書蒙之以趙氏私為酒飲
後夫宜亟補其之法而陰喻使并搜鼎知舊
往來書跡必敗趙氏快私憤且以媚檜蒙之
不可嗚以利又不可復脅以威往反再三蒙
之度傑意不可回或屬他吏則事有不可為
者即密告之氏使取文書悉焚之既搜捕無
所得傑怒入麻知蒙之女弟適胡寅寅當時

草詔罪狀惇者益怒乃誣以他罪劾之會有
以其事白檜者檜悟移蒙之蘭溪尉孝宗即
位近臣以其事聞嘉歎再三召監登聞鼓院
尋復補外後以龔茂良論薦召為司農寺丞
卒年五十

詳見言行錄

徐九思字公謹崇安人登慶曆二年進士歷知
雙流南陵二縣用趙抃唐介薦入判三司坐
忤時相通判廣州元豐中神宗召對而賜褒
諭有老成練事之稱將不次用之王安石以
其譏議新法又附司馬光坐廢十餘年元祐

初召為江淮等路發運副使致仕寓居浙西
世稱姑蘇十老九思其一也官至中散大夫
有新豐集行世

彭九萬字好古崇安人德祐元年為太學生上
書言賈似道誤國不報入元不仕至元二十
年黃華倡亂時九萬客縣之石臼里中山寇
以兵脅使從已九萬斥之卒遇害九萬工詞
賦或謂其有楚騷之風

趙若鞅字自木崇安人自號霖山登咸淳甲戌
科進士入元掃跡不仕徜徉山水間遇會心

處輒居數日人以陶阮輩風流目之酷好吟
咏評者謂其所作不減晚唐風致

陳朝老字廷臣政和人七歲能詩其祖嘗令賦
雪援筆立成有擁爐莫言冷世間行路難之
句元符中為太學生上書論事剴切臺諫受
蔡京風旨例以狂妄目之大觀初何執中為
左僕射朝老上書曰陛下凡五命相若韓忠
彥之庸懦曾布之賊汙趙挺之之蠢愚蔡京
之跋扈今復相執中何為者邪宣和末復與
陳東論蔡京童貫王黼李彥常梁師成朱勔

為六賊且曰願陛下連取六賊肆于市朝傳
首四方以謝天下書奏編置道州紹興間三
詔徵之力辭不起學者稱陳三詔自號常歡
喜居士有文集百卷藏于家

吳球字元璞政和人建炎中廷對首言陛下任
相非人太學生陳東以直諫見誅臣恐異日
有指鹿為馬終無敢發其姦者矣又言陛下
有畏避小心而無規恢遠畧降下州助教未
幾復賜進士出身歷泰州興國軍福州明州
教授官至承議郎卒于家

蔣粹翁政和人總波強記宋末為太學生入元
不仕隱居滿月山

國朝

雷填字原中建安人登庚辰科進士授工科給
事中糾劾不避權勢永樂二年

上命巡撫蘇崧常三府劬姦革弊不遺餘力期歲封
章凡四十上皆切中時弊當道惡其剛直遷
齊府右長史自陳嘗劾齊王不宜往

上悟仍留掌科事六年又
勅巡撫廣西凡利害所宜與革悉疏以

聞民夷讐服逾年卒于官諸司涖其喪囊無寸帛
唯澣衣半篋詩文奏稿數帙而已所著有原
中類稿奏議歲于家孫鴻領鄉薦任宣城縣
學訓導

田忠字伯邑其先壽州人祖盛調福建行都司
斷事因家建安忠登永樂甲申進士選庶吉
士預脩永樂大典拜戶部主事嘗督糧餉於
迤北贊漕運於江淮皆有能聲陞南京武庫
司郎中尋改車駕用薦陞江西左叅議潔已
奉公士論歸之未兩考上疏乞休致家居二

十年自奉泊然非公事未嘗一至官府人有
懷金請託者正色拒之平生不肯干人以私
至於晚節猶矻立不苟人以為難

雷吉生字祐之建安人填族弟也登永樂辛卯
進士除雲南道監察御史正色立朝秉節不
回累按江西湖廣山東所在風裁凜然高煦
將為不軌吉生廉得其事以

聞不報後高煦誅將連坐巡按者吉生以言得免
尚書李慶以才幹得

上意任情恣肆吉生露章劾之出為交趾宣化縣知

縣時蠻夷初附人心頑梗且畏吉生嚴明遂
醜之後李慶事敗方擬召用而吉生已死
杜琮字孟清旣寧人永樂辛卯領應天府鄉薦
歷上高全椒二縣學教諭秩滿之京吏部尚
書王直聞其名延教其子其子稍失禮琮袖
袖而歸直聞而重之選陞河南道監察御史
累言時政得失巡按外方貪官汚吏無以假
貸所至肅清陞山東叅議卒所著有適興錦
江二集子宣任六安州學正

建寧府志卷之三十一

建寧府志卷之三十一
人物

儒林

五代

孟貫字一之建安人以禮義文章節儉爲當時
師範人稱孟夫子仕於周

宋

鄭穀字致遠建安人鎮之子也初就學晝夜誦
中庸不息父戲之曰此篇句讀易讀邪穀拱
而對曰讀書止於句讀安用之竊意聖人之

縣時蠻夷初附人心頑梗且畏吉生嚴明遂
醜之後李慶事敗方擬召用而吉生已死

杜琮字孟清旣寧人永樂辛卯領應天府鄉薦
歷上高全椒二縣學教諭秩滿之京吏部尚
書王直聞其名延教其子其子稍失禮琮拂
袖而歸直聞而重之選陞河南道監察御史
累言時政得失巡按外方貪官污吏無以假
貸所至肅清陞山東叅議卒所著有適興錦
江二集子宣任六安州學正

建寧府志卷之三十一

建寧府志卷之三十一
人物

儒林

五代

孟貫字一之建安人以禮義文章節儉爲當時
師範人稱孟夫子仕於周

宋

鄭穀字致遠建安人鎮之子也初就學晝夜誦
中庸不息父戲之曰此篇句讀易讀邪穀拱
而對曰讀書止於句讀安用之竊意聖人之

道在此書也既冠入國學嘗執父喪火延喪
室穀抱棺扣頭慟哭不去已而火焚喪室柱
至其半而止鄉人名爲止火柱舉未第嘆
曰昔之求道者尚友於古人吾今未能及大
賢之門其可已乎遂走河南值二程已逝乃
遊謝良佐之門而學焉政和六年以八行舉
尋第進士調御史臺主簿秘書郎出守臨江
軍巧祠歸自號九思

吳棫字才老建安人時號通儒著論語十說及
考異語解諸書嘗患字學訛誤作補韻若干
篇朱熹評近代考訂訓釋之學唯才老及洪
慶善爲優遂據其說以協三百篇之音

練耒字彥本建安人幹譽子累試禮部不利閉
門著書有大易發微二禮釋疑宋野遺民集
丘富國字行可建安人嘗受學于朱熹門人淳
祐中登第爲端陽僉判宋社旣屋遂不仕著
周易輯解十卷經世補遺三卷易學記約五
篇以發明朱氏宗旨

鄭儀孫建安人號翠屏從丘富國學易咸淳癸
酉應賢良舉又明年少帝北行儀孫退而著

書易圖說詳解大學中庸章句史學蒙求箋
註性理字訓守吳某率幕屬迎于學師事之
葉夢鱣建安人應聘赴臨安少帝北行遂隱居
田里以講學爲事所著有經史旨要及文集
余允文字隱之建安人以孟軻亞聖而司馬光
作疑孟數篇李觀鄭厚著常語及藝圃折衷
皆肆詆毀乃作尊孟辨三十餘條闢之朱熹
是其說又爲之訂定云

吳秘字君謨甌寧人景祐初登進士甲科後爲
侍御史兼知諫院以言事出知濠州提點京
東刑獄御書刑政二字賜之秘好學著周易
通神五卷注揚子箋太玄參政孫抃上其書
召藏書府嘗歎春秋三傳同異欲作春秋集
解以省府聞委因乞閑郡補同安守仍畀以
轉運使祿秩省府判官請郡理轉運資序自
秘始

程元字善長甌寧人一名駘仲溫恭曠達自預
舍選一時後生學士皆慕其行郡守張銖以
經明行脩薦不報時胡憲典教建寧延元與
邑人龔何參學政後十年憲爲撫屬以事至

建州二人皆已卒作詩悼之

童伯羽字蜚卿甌寧人沉默寡言好讀書師事朱熹熹嘗造其居爲扁其樓曰醉經堂曰敬義鄉人稱敬義先生著四書集成又諸經俱有訓解

章望之字表民浦城人以伯父得象蔭除秘書省校書郎監杭州茶庫踰年辭疾去上書論時政凡萬餘言不報兄拱之知晉江縣忤其守得罪望之號訴於朝拱之竟得脫歐陽脩韓絳吳奎劉敞范鎮同薦其才除簽書建康

軍節度判官又除知烏程縣俱不赴遂以光祿寺丞致仕卒望之喜議論宗孟軻言性善排斥荀卿揚雄韓愈李翱之說著救性七篇歐陽脩論魏梁爲正統望之以爲非著明統三篇李覲謂仁義智信樂政刑皆出於禮望之著禮論一篇以訂其說又有歌詩雜文數百篇集爲三十卷

詳見宋史本傳

練繪字質夫浦城人以同楊時遊程頤之門甚器之登大觀三年進士浮沉州縣不以軒冕爲榮而以名教爲樂官至奉議郎

楊昭述字宗魯浦城人賦性醇雅而長於議論鄉人多師之主簿陳襄待以殊禮嘉祐特奏名出身授池州石埭尉始至進秀民教之邑人相率趨學呼爲楊夫子任滿調雷州海康縣令卒

蕭顛字子莊浦城人天資朴實少孤事母以孝聞母喪寢苦枕塊廬墓終喪有靈芝生几筵間晚以累舉得官爲清流主簿終歲而歸徜徉夷猶不以世故嬰念與李郁陳淵羅從章同受業楊時之門朱松嘗師之答學者書云士之所志惟仁必欲熟惟義必欲精仁熟則造次顛沛有所不違義精則利用安身而德崇矣

郭頴字天錫浦城人將生之夕母夢天上有金書數大字旣覺止記一頴字已而頴生因以名之自幼讀書如素習弱冠鄉舉第二人晚得官調上杭簿留意邵雍象數之學兼取楊雄所擬列山氏易以章會統元推之久而成書計二萬八千言釐爲二十卷總之以圖名易春秋隆興紀元以其書上會得疾卒

劉翔字圖南浦城人通諸經尤注意於易以累
舉得官調蘄春尉因上其所著易卦辭有旨
看詳監學以通經旨聞授福州教授翔謂教
官實風化所係要當上不負天子次不負州
郡下不負子弟入學之意在官四年軒輊抑
揚盡合公論再更潭州多士歸心以疾卒于
官年六十九所著有經進易解十卷翰林洪
邁爲之序云君子之䟽或探至理於先儒未
悟而議論不詭或迹人事於前世已行而考
據明白人固喜讀之况又遭值天子延其光
榮必傳於世無疑矣

潘植

舊志作植

字子醇浦城人自號浩然子大觀中

兩以鄉薦上禮部夢童子以詩一聯示之云
才分南北東西國爲報三秋桂子香建炎戊
申車駕駐維揚累舉得官夢中之詩盡驗累
調真州推官初好王氏之學後悟其非是迺
以克己爲學至忘寢食久之有得於是述忘
筌書三卷理性書九篇劉勉之胡憲劉子翬
皆喜其書子翬跋其後極稱其得學易門戶
於易之復植又嘗畫觀象玄契二圖大抵以

背境回光爲主與忘筌書理性書並行於世
徐宗慶浦城人善議論通經史嘗著皇王大訓
書曰古今帝王之道與其爲治之具盡在是
矣又有經世明道集曰賢聖之道載之言觀
其言足以知其所用心辟教官以疾卒
練逢字彥默浦城人登進士第授撫州司戶任
劍浦令改本州軍事推官部使者交薦之改
秩而卒楊時銘其墓云孝尊于親學傳于人
政得于民吁嗟乎君未聞而終于幕賓
阮逸字天隱建陽人邃於經學尤工詞賦天聖

五年進士景祐初知杭州鄭向上其所著樂
論十二篇并律管十三表其知樂與胡瑗同
召赴闕校定新舊樂遂遷鎮江軍掌書記慶
曆三年充武學教授改遷國子監丞皇祐二
年又爲睦親宅教授後轉屯田員外郎卒
游復字執中建陽人篤實純明居鄉以經學教
授生徒凡受業其門者往往率德自好嘗一
舉於有司不第遂終身不求舉楊時誌其墓
曰德足以私淑諸人學足以垂世傳後而士
之欲求師友者莫宜於先生也不幸老死於

窮閭陋室之間而不大顯於時可哀也已

江奇字全叔建陽人宣和三年進士著春秋經解三十卷辯疑一篇語孟說各五卷行於世熊節字端操建陽人甫十歲日誦易二卦即知問難至通曉而止慶元中廷對條陳三德累官至通直郎致仕賜緋魚袋卒于家節屬文得古體著中庸解三卷知仁堂稿十卷又有性理群書行於世

宋咸字貫之建陽人天聖二年進士累官知邵武軍立學置田以養士移守韶州奏誅悍卒境內肅然狄青經制廣西移咸為漕轉職方員外郎奏乞於邊管立學賜經史以變夷風官至都官郎中所著有易訓毛詩正紀外議論語增註揚子法言註朝制要覽諸書五世孫翔登第為湖南帥參

江側字處中建陽人性純一以儒學教授其鄉熙寧中以學究出身嘗與游定夫施景明葉祖洽講肄於邑之石壁山山素靈怪一日忽有梧葉從空墮下上書集公山三字側笑曰此何義俄頃復墜一葉書云公集諸賢於此

故名集公山既又墜數葉皆書諸賢官字自是靈怪屏息後定夫等皆爲名人顯官側爲將作監主簿歷饒信洪三邑令與族子汝舟號二先生

江杞字堅老建陽人政和二年進士甲科歷仕州縣民安其政爲御史致仕里居十有五年講學著書不輟郡守魏矼見其所註孝經嘆曰孟子有言其君用之則安富尊榮其子弟從之則孝弟忠信他日變此邦爲魯閔其必因此書也

游九言字誠之建陽人初名九思湖南叅議官嘗之子慷慨善議論十歲爲文詆秦檜從張栻游栻教以求放心九言遂致力心學久之有得嘗序太極圖曰周子以太極加無極何也方其寂然無思萬善未發是無極也雖云未發而此心昭然靈源不昧是太極也欲知太極先識吾心學者多師之號默齋九言銳志當世務早承祖蔭舉江西漕司進士第一歷古田尉江州錄事泮海制司幹官入監文思院嘗被旨視諸邑灾傷歸白都堂放苗八

分以上孝廟贊官有司妄費希賞九言上書
極諫內侍切齒張栻帥廣西辟幕下栻弟杓
帥金陵復辟撫幹時學禁方嚴九言記上元
縣明道祠痛譏之調全椒令以不便養親丐
祠開榭初爲淮西安撫機宜文字尋知光化
軍充荆鄂宣撫參謀官未行而卒端平間特
贈直龍圖閣謚文靖有語錄詩文傳于世

劉炳字韜仲建陽人與兄爚從朱熹講學於寒
泉精舍時熹編集程氏遺書方成炳兄弟研
窮誦讀晨夜不怠熹嘗大書杜甫諸葛大名

垂宇宙一詩屬望之淳熙五年中進士乙科
累官兵部郎中朝請大夫丐祠閒居讀書不
輟自號悠然翁弟炯亦從熹學登進士為固
始令

蔡發字神與建陽人元定父也博學強記高簡
廓落不能與世俗相俯仰邃於易象天文地
理三式之說無所不通而皆能訂其得失杜
門掃軌專以讀書教子爲事子元定生十歲
教之讀西銘稍長示以程氏語錄邵氏經世
張氏正蒙而語之曰此孔孟正脉也晚號牧

堂老人朱熹稱發教子不干利祿而開之以
聖賢之學其志識高遠非世人所及

范念德字伯崇建陽人如圭子也從朱熹游深
潛溫厚初授廬陵縣主簿就辟吉州錄事叅
軍廉勤惻惻一郡稱之累遷朝奉郎江東路
帥司機宜熹嘗得念德所著雜言讀之曰持
守不差見理漸明後熹疾且革手書囑其子
在及念德黃榦謂宜勉學及修正禮書云

丘義字道濟一字仁卿號子野建陽人隱居不
仕穎敏嗜學該貫子史尤邃於易與朱熹友

善所著有易說傳于世熹為書芹溪小隱四
字扁其堂又著復齋銘并芹溪九曲等詩以
貽之

蔡淵字伯靜建陽人元定長子自號節齋元定
嘗語二子曰淵汝宜紹吾易學沉汝宜演吾
皇極數而春秋則以屬知方淵既授學家庭
而又編友黃榦張洽諸賢清修苦節有父風
與弟沉躬耕不仕著周易訓解嘗謂周子無
極太極之說得於易有太極之一言易者變
易無體即無極之義識者謂其發先儒之所

未發

劉垕字伯醇建陽人燾之子也自號靜齋累官承務郎知江寧縣辟制置司幕官以收李全功進秩朝請大夫歷知常州改南劍州以疾不赴與其徒熊竹谷輩講道終老

熊剛大建陽人少穎敏從蔡淵黃榦游問學精專而操行篤至所著有詩經註解性理小學集解

蔡模字仲覺建陽人元定孫也操行高亢風度夷曠隱居篤學直以聖賢爲師一時名士多

師尊之嘗輯朱熹所著書爲續近思錄淳祐中丞相謝方叔輩乞表異之以勸後學有旨補迪功郎添差本州教授仍令有司錄所著書并訪以所欲言未幾卒學者稱覺軒先生

劉應李字希泌初名蔡建陽人炳之孫也咸淳

甲戌進士乙科授建陽主簿入元不仕退與熊禾胡廷芳講明正道於洪源山居十有二年建化龍書院於莒潭聚徒講授學者雲集

江默字德功崇安人灝之孫也乾道五年進士調泉州安溪縣尉考垂滿父訃至即解官歸

後知建寧縣卒于官邑民像而祠之默平生
好學從朱熹游熹稱其他無嗜好一意詩書
亦不多得嘗考國朝典章爲書名綱集凡三
十六卷上之又有易訓解八卷四書訓詁六
卷又作象註疏

江贄字叔圭崇安人初游上庠與龔深之並以
易學著名後歸隱里中閉門著書遭父喪廬
墓終制學士蘇德輿薦其賢召不赴政和中
太史奏少微星見有旨舉遺逸邑宰陳難親
詣其廬聘以殊禮復以詩勉其行凡三聘不

起賜號少微先生陳難立少微坊以旌之所
著有通鑑詳節行于世

徐幾字子與崇安人號進齋通諸經尤精於易
理學之傳自朱真以後稱幾得其妙景定間
以白衣薦授崇政殿說書補迪功郎添差建
寧府教授兼建安書院山長舊志謂除建寧通判士多
及門請質卒年七十五有經義行于世所著
詩文僅存什一云

胡安老字康年崇安人安國弟也幼孤安國撫
而教之研窮義理與弟安止俱以經術行義

名世性淡泊喜周人之急以安國蔭補官遷
將仕郎知羅江縣官至朝奉大夫知袁州安
止亦以蔭補官累遷岳州府通判

章才邵字希古崇安人元振子也少謁楊時特
誨以熟讀論語將論仁處子細玩味而躬行
之才邵用是有得故日用踐履莫非其所聞
所知者世目爲篤實君子喜賦詩嘗題釣臺
云短棹夷猶七里灘人亡依舊水光寒漢家
名節君知否盡在先生一釣竿至今膾炙人
口以父蔭補官歷典賀正二州改荆湖北路

制司叅官

吳楫字公淵崇安人幼穎悟紹興末鄉試不第
遂退居田里閉戶讀書與朱熹李郁講明性
理之學及儒釋之辨甚悉熹扁其讀書所曰
悅齋遣子師之晚年以特恩補官調臨桂簿
李誼字叔諧崇安人苦學通諸經尤精禮記與
子喆屢魁鄉薦四方學者多師之朝士多出
其門父子皆仕至司理參軍

胡寧字和仲崇安人安國次子生有淑質端重
寡言受春秋學於家庭以郊恩補官無仕進

意秦檜當國貽書其兄寅問寧何不通書寧
勉為條陳數事及奏乞以二程邵張從祀既
而召試館職除敕令所刪脩官會秦檜子熺
拜元樞檜問外議如何寧答云蔡元長父子
所為豈所望於相公檜怒因指為故相趙鼎
之客出為夔州路安撫司叅議官改知澧州
以疾丐祠卒世稱為茅堂先生安國之傳春
秋也脩纂檢討多出寧手寧又著春秋通旨
以羽翼其書云

歐陽光祖字慶嗣崇安人九歲能文時目為童

瑞從劉子翬朱熹講學子翬貽書於熹曰由
古擇交最難道同志合未有若吾慶嗣者熹
亦嘗遣三子師事之登乾道八年進士趙汝
愚張栻列薦于朝方欲召用而汝愚去國光
祖賦詩有曰白髮駸駸吾老矣名場從此欲
投簪熹和之云江山風月依然在何日重来
再盍簪後為江西轉運歸休松坡之上終焉
祝穆字和甫崇安人其先徽州歙人曾祖確歙
名士於朱熹為外祖父康國始從熹居崇安
穆與弟癸同事熹於雲谷得其微言緒論性

溫行淳學富才贍嘗纂事文類聚二百餘卷
方輿勝覽七十卷行世子洙

祝洙寶祐四年進士家庭講論精密嘗著四書
集註附錄宰執程元鳳蔡抗取其書進呈除
迪功郎興化軍涵江書院山長景定中知興
化軍徐直諒薦其學行于朝

翁易字粹翁崇安人通六經尤長於春秋嘗預
計偕從劉燭游因得登朱熹蔡元定之門講
明義理徃復辨難悉究其旨晚歲授徒于竹
林精舍言行有法人稱竹林先王

詹慥字應之崇安人安貧守道一介不妄取諸
人掖誘後進孳孳不倦從游者多所成立尊
爲鄉先生爲文操筆立就有文集二十卷晚
爲信豐尉

謝綽中政和人時方崇尚王氏新經綽中間讀
儀禮朱松爲政和尉見而異之即與俱歸勉
其所未至紹興登進士調泰寧簿自以不能
俯仰領祠歸朱熹爲序其文集

元

張復字伯陽建安人爲建寧路知事從陳儀孫

學易得立氏之傳嘗輯諸儒議論編性理遺書十四卷

雷德潤字志澤一名逢辰建安人父龍濟宋鄉貢進士以徇國死于難德潤學邃於易旁通諸子及律曆術數之學舉明經歷除福州路教授擢節租入崇建殿宇脩置禮器及買田立義莊以贍士調長樂縣主簿卒德潤為學先德行而後文藝講論必以程朱為主教人必以聖賢為法以子機貴贈秘書少監建安縣子

雷杭字彥舟建安人與兄機拱以易學鳴于時

嘗著周易註解行世今易經大全中稱時稱

雷門易舉浙江鄉試第一人登癸酉進士第

授浙江儒學提舉遷潮陽縣尹以死事雷氏家傳

不載死於何事贈奉訓大夫慶元路奉化州知州仍

官其子煜為建寧路同知今祀之于府學尊

賢堂

蔣易字師文建陽人勵志篤學從杜本游徧交

知名士博極群書篇磨句定手自刪錄學極

精到肆筆為文汪洋滂沛直追古作左丞阮

德柔分省於建禮致幕府待以上賓之禮所
著有鶴田集二十卷編類元朝風雅三十卷
行于世

國朝

蘇伯厚名坪以字行建安人照之子博通經史
精書法繪畫曲藝小數無不精到元季左丞
阮德柔重其名將表薦之伯厚力辭不就益
自韜晦

國初有司薦至京以親老辭歸復舉爲建寧府學
訓導以啓迪後進爲己任學甚優爲軍營伯

厚圖以示有司復之宋文公祠在府治艱於
造謁捐貲徙置學中陞

周府伴讀未赴

太宗皇帝即位伯厚以薦與脩

高廟實錄陞翰林院侍書復與脩永樂大典陞檢討
兩考春闈進講東宮其學本於誠實議論皆
有根柢卒于官自號履素所著有履素集十
卷今祀于府學尊賢堂

丘錫字元錫崇安人博通經史領洪武乙卯鄉
試授湖廣衡州府學教授調浙江衢州府學

永樂初與脩

永樂大典宣德中與脩

太宗皇帝實錄仍乞教職陞俸改建昌府學五爲鄉
試考官致仕歸好學不倦年八十卒所著有
文藁若干卷并崇安縣志

建寧府志卷之三十一

建寧府志卷之三十二

人物

文苑

唐

葉京字垂孫建安人工詞賦咸通二年進士州
人登進士自京始廉訪使李景溫爲號所居
曰茂才今南才里是也官至太常博士

五代

江文蔚字君章建陽人善詞賦後唐長興中擢
進士第後仕南唐累遷知制誥擢御史中丞

永樂初與脩

永樂大典宣德中與脩

太宗皇帝實錄仍乞教職陞俸改建昌府學五爲鄉
試考官致仕歸好學不倦年八十卒所著有
文藁若干卷并崇安縣志

建寧府志卷之三十一

建寧府志卷之三十二

人物

文苑

唐

葉京字垂孫建安人工詞賦咸通二年進士州
人登進士自京始廉訪使李景溫爲號所居
曰茂才今南才里是也官至太常博士

五代

江文蔚字君章建陽人善詞賦後唐長興中擢
進士第後仕南唐累遷知制誥擢御史中丞

坐廷劾宰相馮延巳貶江州士曹叅軍奉其
母以行怡然不以貶謫爲意嘗作詩曰屈原
若遇高堂在終不懷沙吊汨羅久之召還爲
翰林學士禮部郎中保大十年卒謚曰簡有
唐吳英秀賦七十二卷桂香賦集三十卷子
極端拱中登第太常少卿

江爲建陽人少遊廬山學詩於處士陳貺居白
鹿洞二十年與同邑江文蔚楊徽之同時著
名屢舉不第嘗題白鹿洞有云吟經蕭寺旃
檀閣醉倚王家玳瑁筵李景見之謂左右曰
吟此詩者大是貴族遂爲時所稱今靖安書
即其故居也楊徽之哭之有廢宅寒塘水荒
墳宿草烟陳覺民有却憶當年江處士解言
秋色露人家爲詩有山形圍澤國秋色露人
家句故也有詩一卷

宋

楊蟠字公濟建安人登進士第以詩知名歐陽
脩有詩贈之云卧讀楊蟠一千首乞渠秋月
與春風元祐間通判杭州與蘇軾倡和頗多
嘗題金山寺云世上蓬萊第幾洲長雲漠漠

鳥飛愁海山亂點當軒出江水中分繞檻流
天遠樓臺橫北固夜深燈火見揚州回船却
望金陵月獨倚牙檣坐浪頭後知溫壽二州
卒有詩集二十卷

張伯王建安人第進士舉書判拔萃科爲御史
才藻爲人所尚而性嗜酒不事儀飾嘗攻宰
相文彥博後出知太平州時魯鞏爲司戶有
文名伯玉語之曰吾方作六經閣子爲我記
之鞏呈藁不合意遂自爲之首句云六經閣
者諸子百家皆在焉不書尊經也鞏嘆服

遷司封郎典數郡而卒有蓬萊詩二卷今文

爲平江作
與此不同

林光字子輝建安人性資極敏讀書過目輒不
忘少有文名乾道初由鄉舉上禮部知舉梁
克家喜其文以策語太許實第四名中進士
丙科歷韶州循州教授恬靜有守後以尚書
韓元定薦除刪定官後監左藏庫改秩知信
豐縣部使者上其政績卒于承議郎嘗著建
安誌二十卷又著兵論迂論數十卷

馬莊父子嚴建安人號古州居士博涉經史

善詩文尤長于詞多選入中興詞選其閨思
鷓鴣天一闕云睡鴨徘徊烟縷長日高春困
不成粧步軟草色金蓮潤撚斷花鬢玉笋香
輕洛浦笑巫陽錦文親織寄檀郎兒家閉戶
春藏色戲蝶遊蜂不敢狂末二句殊不苟

陳以莊字敬叟建安人自號月溪詩句清新而
詞尤擅名一時多遊錢塘吳興與諸名流唱
酬有水龍吟一詞云晚來江闊潮平越船吳
榜催人去稽山滴翠胥濤濺恨一襟離緒訪
柳章臺問桃仙浦物華如故向秋娘渡口春
娘橋畔依稀是相逢處窈窕青門紫曲舊羅
新製翻金縷舊音恍記輕籠漫撚哀絃危柱
金屋難成阿嬌已遠不堪春暮聽一聲杜宇
紅殷綠老雨花風絮此詞尤爲人傳播玉林
黃昇集中興詞選多取其詞

翁孟寅字賓暘建安人善吟詠有夜泊一絕云
夜泊寒沙際江風起舊愁離情唯怕晚歸夢
又逢秋人多稱之

張諒字子京建安人與弟貢學易于丘富國著
經史事類書澤三十卷後贈翰林應奉文字

貢字壯夫

游次公字子明建安人自號西池范成大帥桂
林日次公實叅閫幕有唱鬲詩卷甚富尤長
於詞嘗寄滿江紅題丹青閣云一騎歸來何
太晚髻絲如織謾嘆息淒涼往事盡成陳跡
山迫暮烟浮紫翠溪搖寒浪翻金碧看長虹
渴飲下青冥危闌濕誰可住烟蘿側俗士駕
當回勒伴巖扃湏是碧雲仙客風月已供無
盡藏溪山更衍清涼國恨謫仙蘇二不曾來
無人說至今膾炙人口

徐大正字得之甌寧人博學善屬文兩舉禮部
不利過釣臺詩云光武初從血戰回故人長
短尚論材中宵若起唐虞興未必先生戀釣
臺蘇軾見而竒之遂與定交嘗題其真贊云
賢哉徐子溫文而藝儒不亂法俠不犯忌求
之古人三國之士我非北海安識子義嘗築
室北山下名閑軒秦觀爲之記軾爲賦詩人
以北山學士呼之

吳激字彥高甌寧人龍圖閣直學士拭之子王
履道外孫米芾婿也工詩能文字畫俊逸將

命至金被留北還爲翰林待制出知深州抵
官三日而卒有東山集十卷

練定字公權浦城人嘉祐八年進士調和州烏
江尉再除福州司理呂惠卿知大名辟掌機
宜文字召對論事以尊主疆國爲先不合時
宰意通判信州久之召爲將作監丞除湖南
轉運判官崇寧間提點本路刑獄移廣南路
諸子不欲踰嶠勉以丐祠定正色曰臣事君
猶子事父也父召無諾君命召不俟駕詎可
擇地爲去就哉即日就道官至朝請大夫有

青丘集二十卷行于世

何去非字正通浦城人學問該博有識度元豐
五年神宗臨軒策士魯鞏奏得累舉之士一
人所對論用兵之要非通儒碩學不能天子
覽而異之及賜第廼去非或奏宜授武職使
效所言因擬左班殿直遷左侍禁中武學教
諭使校兵法七書尋擢博士蘇軾得其所爲
文驚曰此班馬也力薦於朝且謂去非文章
議論實有過人筆力雄健得楚漢風力乞換
文資別加擢用詔加承奉郎博士如故歲餘

出爲徐州教授蘇軾又以去非所著備論乞
除一館職不報秩滿知富陽縣發姦摘伏政
號神明築石堤以捍錢塘江潮改通直郎通
判滄州綏撫流移民賴以安除司農寺丞乞
外補改廬州通判卒年七十三有文集二十
卷備論四卷司馬法講義三卷三畧講義三
卷行于世

姚易字夢錫浦城人元豐中擢進士第兩任教
官崇寧初有薦易者召對除諸王宮教授上
出所愛畫檜賜之逾年授開封府推官滿考
除通判易與同邑葉常何去非相締厚平時
酬唱甚多有畢集十卷傳於世

吳駿字晞遠浦城人齠齷知名登元豐八年進
士調潞州上黨簿薦知虔化縣通判永州以
謗謫池陽政和初中丞吳執中抗章爲辯其
枉通判饒州未幾告老祖秀實以詩寄駿云
官路聲名二十年江鄉舊仰貳車賢推將事
業歸塵外收得工夫到酒邊解榻幾聞招隱
士炷香終日對書編公朝况是登耆哲早晚
蒲輪穩着鞭卒年七十四所著有詩解二十

卷文集十卷雄深雅健淵源浩博粹然備衆
體之長

葉常字權之浦城人紹聖四年擢進士中科授
太學正遷博士大觀初除太常博士遷工部
員外郎累丐補外出知河中府卒于官年四
十六官至朝奉大夫嘗與同里侍郎黃應圖
交厚後以職事相失經年因作燕燕詞以遺
之云燕燕出幽谷短羽方差池營巢依廣廈
辛苦將芹泥崇朝濕丹領一點污羅衣重幕
護綺繡方簾放珠璣平時頡頏地咫尺天一
涯雨落不上天水覆收之誰王謝堂前物肯
作尋常飛吾才愧相如願賦長門詞應圖得
詩甚喜相好如初有文集五十卷

周固字適可浦城人元符三年擢進士調蕭山
尉改舒州教授秩滿調漳州移江東提舉司
管勾文字有旨令兩制各舉所知二人尚書
魯孝廣以固應詔丞相何執中奏宜處師儒
之任除太學正遷博士除京畿提學詔拜監
察御史擢太學司業累章乞外直秘閣知沂
州未到官而卒固爲文必欲窺造道闡有補

治道非區區模倣者之所能及有璧水集十
五卷

楊暉字元輝浦城人天資英邁弱冠爲文有老
成氣崇寧中擢進士第調濠州鍾離主簿表
進中臺甘露頌陞從政郎授郴州司錄改宣
教郎還朝復表進所業二十卷天子奇其才
擢知太寧監遷奉議郎以磨勘轉朝奉郎宣
和五年新制明堂除明堂頒朔布政府司令
轉朝奉大夫出知蘄州陞朝散大夫被召未
赴卒于官年四十四有文集三十卷宦遊集

十卷

張彥字正仲浦城人幼警悟季父嘗戲之曰聞
汝讀孝經有何好處對曰立身揚名以顯父
母季父大奇之登大觀三年進士調建昌主
簿改南昌弋陽二邑丞靖康中翁彥國自錢
塘舉師勤王辟爲參贊軍事聞彥國與趙子
崧等會盟于宿亳登壇爭執彥以書苦諫曰
淵聖駐危城中宗社若綴旒日望四方勤王
之師臣子當百舍一息豈爭盟競長之時漢
末曹袁故轍豈可復蹈耶彥國弗能用後子

崧等皆以罪罷紹興初知潮之海陽縣時嘗
軍興賦歛百出身與民約必無追擾軍須亦
如期而集魯孝蘊帥湖南辟知武岡軍命未
下卒勇工駢儼之文孫覲嘗薦於當路不獲
用勇謝啓云魯箭高飛謂聊城之必下秦都
不割懷趙壁以空歸有雙溪漫叟集二十卷
松窓撫遺十二卷

楊備浦城人億之弟以蔭補官累遷虞部員外
郎有金陵覽古詩三卷

黃鑑字唐卿浦城人大中祥符八年舉進士調
桂陽監判官除國子監直講遷國史院編脩
官脩國史成擢直集賢院以母老出倅蘇州
脩三朝寶訓書未及上而卒仁宗特官其一
子以旌其勞有談苑十五卷

黃覺字民先浦城人景德二年進士任殿中丞
有詩名楊億劉子儀章得象宋初皆與之唱
和仕宦不遂意一日送客都門外至則客已
去見一道士在側呼與同飲既罷道士掬水
寫呂字始悟其為呂洞賓道士曰明年江南
相見果得官江南及期見道士出大錢七文

次十文又小錢三文與之曰數不可益也又予藥數寸曰歲旦以酒磨服可保一歲無疾覺如其言年七十餘藥垂盡作詩曰床頭曆日無多字屈指明年七十三果以是歲終子孝綽

徐陟字公明浦城人博學彊記日誦萬言年未冠挾所爲文入京師見孫何何大加嘆賞上其奏議五十卷召試會有家難不赴時丁謂當國陟不肯見作詩寄意有止渴當擇水暫憇須芳陰之語擢祥符進士累官來州判官陟雖老於諸侯賓佐而氣不少衰尤練邊事嘗作白馬謠數百言勵守邊者有君恩山嶽重汝命鴻毛輕之句官至朝奉郎

章岷字伯鎮浦城人舉進士嘗與范仲淹同賦鬪茶歌岷詩先就仲淹覽曰此詩真可壓倒元白官至正議大夫光祿卿弟峴岵嶙俱登第峴廣西提刑

徐常字彥和浦城人融之子元豐中登第歟歷州縣所至有聲紹聖間除廣南西路提舉常平移福州轉運判官繼知吉州姦民猾吏畏

如神明與蘇軾兄弟遊從甚久又每慕二宋
為人嘗作詩云事業要須師二宋文章端是
學三蘇而軾亦謂彥和天下奇男子官至朝
議大夫弟當亦登進士第

黃元字清臣浦城人母夢星殞于懷掬而吞之
遂有娠生元少奇穎年十五以文謁章得象
得象奇之遊錢塘以詩贈處士林逋逋尤激
賞時王隨知杭州奏禁西湖為放生池元作
詩數百言以頌士人爭傳之元為人侏儒不
飾小節對人野率如不能言然嗜學強記為

文詞奇偉既卒鄉人類其文為十二卷號東

溪集

黃蕡字仲實浦城人震曾孫也父嘗與客飲命
蕡為詩伯父戲之曰汝叔祖諱鑑者年七歲
賦梔子詩為世傳汝能之乎蕡曰彼亦吾族
耳若天人則固不敢望言畢詩就有黃梔姑
且既他詠丹桂行須見我攀之句滿座稱賞
嘗作易傳推明太衍之數尤精確元祐六年
擢進士第調黃岡簿改贛縣尉在官尚氣節
不能俯仰會飛蝗入境多方捕之有惡蕡者

反以捕蝗不及罷去恬不介意元符初起為宣城丞窮職分而為之授和州錄事參軍改宣教郎知奉新縣人以為賀蕢曰為五斗折腰豈吾志哉未赴而卒年五十一

楊翊字正臣浦城人善聲律有晉宋風度登天聖中進士授南安尉偶得微疾投檄去未幾疾愈或勉之仕弗顧以詩酒自娛同年蔡襄招以詩又率同列薦之不起

徐鳳字子儀浦城人生四歲知讀書七歲能屬文十四五閱古今書畧徧十九舉鄉薦登慶

元二年進士除漳浦主簿嘉定十二年召對給筆札于玉堂之廬時山東諸豪新立功未見跋扈狀鳳言蓄毒所以攻疾而施之常服則元氣必傷虎不縱之山林而豢之家庭久將噬人矣今忠義之徒官供家請誠不可已盍亦鼓舞歆動之俾常以逐北為利而不復懷巢南之安則責望於我者輕矣否則亟行賈誼衆建諸侯之策為置部落而少其力力少則易使以義黨與散則無邪心疊疊幾萬言切中時病識者知其有識治才非專雕鏤

組織爲文人而已鳳愷樂和易蘭郁而玉溫
歷事寧宗理宗出入翰苑屢進嘉猷嘗著十
箴一卷內制十卷文集二十卷官至秘書少
監直學士院卒年四十八

江任建陽人拯之子景德二年進士累官秘閣
校理知秦州卒有詩名楊億嘗摘其送人詩
云盤珠臨路泣斗印入鄉持以爲佳句云

熊知至字意誠建陽人博學有才天聖間五領
鄉薦不第歸隱鰲峯以詩文鳴世嘗賦觀海
詩有云岸上猶懷懼舟中爭得安又輦下

燈詩有樓臺上下火照火車馬往來人看人
之句有鰲峯隱人詩集三卷上館閣

熊克字子復建陽人蕃之子好學工文胡憲器
之曰子之學老於年當以文章顯紹興二十
七年進士屢遷知諸暨縣部使者至其境謂
曰知子有文而已不謂治蹟若此表薦之提
轄文思院召試館職除秘書省校書郎兼國
史院編脩官遷秘書郎權直學士院得對上
曰卿制誥甚工他日又曰卿文字有體因對
上論備邊足兵事其畧以爲宜以和爲守以

守爲攻又曰今日之守莫重淮東又曰宜戒
諸將勿令掎削上嘉之召草明堂赦書克以
二泐荐饑蝗且起務見以實應天之意既進
藁除起居卽兼直學士院以論罷知台州先
是會粹九朝事爲通畧未及上到郡始上之
詔增一秩召赴行在部使者劾公縱私離不
治報罷奉祠除太平州不赴哀集高廟一朝
大典其書如通畧別號中興小曆屬疾告老
未幾卒克博聞強記好著述有九朝通畧一
百六十八卷中興小曆一百卷官制新典一

十卷帝王經譜二十四卷六類藁三十卷諸
子精華六十卷

劉淮字叔通號溪翁建陽人博學能文甚有詩
名嘗題平遠臺云海天漠漠水雲寬開到梨
花正自寒却擁重裘上平遠愁心千疊倚欄
干又詠韓侂胄府云寶蓮山下韓家府鬱鬱
沉沉深幾許主人飛頭去和虜綠戶玄墻鎖
風雨九世卿家一朝覆太師之誅魏公辱後
車不信有前車突兀眼前看此屋章泉趙蕃
跋之云何人詠出韓家府是我建陽劉叔通

盡道唐人工樂府罕能褒貶似渠公有詩集
若干卷

吳明老建陽人剛介有志操詩文雖不絕意趣
亦殊可來小園解后錄嘗錄其詩一首云西
風颯颯動長林斗酒沽來伴月斟慷慨未應
憂短褐悲歌元不為秋砧誰云塞馬年年健
自是君門浩浩深世祖神丰似高帝楚囚珍
重莫沾襟

劉子寰字圻父建陽人自號篁嶧翁嘗題武夷
毛竹山揆人石云九段田間砥平處箇是古
來荆楚路毛竹山頭萬石叢墜馬推輪乃其
所今人自取捷徑行却嗔山石能揆人其餘
諸詩亦皆膾炙人口蚤登朱熹之門劉克莊
嘗為序其詩集

劉清夫字靜甫建陽人世居麻沙詩學與劉子
寰齊名而尤長于樂府武夷詠梅一闕念奴
嬌云亂山深處見寒梅一朵皎然如雪的皚
妍姿羞半吐斜映小窓幽絕玉染香腮酥凝
冷艷容態天然別故人雖遠對花誰肯輕折
疑是姑射神仙幔亭宴罷迤邐停瑤節愛此

溪山供秀潤飽玩洞天風月萬石叢中百花
頭上誰與爭高潔龕挑俗李不須連夜催發
人多傳之其他樂府多入中興詞選

詹庠字周文崇安人登祥符元年進士官至三
門白波輦運判景祐中進君臣龜鑑六十卷
有詔褒諭云汝策名雋科引籍華序夙究聖
賢之學載馳儒苑之名爰摠敏詞備存懿戒
因燕閑之一覽實體要之可稱今其書行于
世子彥猷官至屯田郎中彥迪彥方並應賢
良科

柳永字耆卿一名三變崇安人工部侍郎宜之
子景祐元年進士爲屯田員外郎工詞章擅
名樂府仁宗誕辰太史奏老人星見永因爲
醉蓬萊詞以獻後大臣有薦之者上曰此人
任從風前月下淺斟低唱豈可令仕宦且去
填詞坐此流落不偶自稱奉聖旨填詞柳三
變卒于襄陽死之日家無餘財諸妓合金塋
南門范鎮嘗見其所作嘆曰仁宗四十年太
平鎮在翰苑十餘載不能出一語歌詠而乃
於耆卿詞見之王元澤歌之曰太平風月可